



كوفراسي پوليس دراج مليسيا برحد

KOPERASI POLIS DIRAJA MALAYSIA BERHAD

No. 1, Jalan Sulaiman, 50000 Kuala Lumpur.

(Co. No: 74/1925)

Tel: 03-2260 8999, 2260 8888 Fax: 03-2274 9782

Internet : www.kpd.com.my E-mail : info@kpd.com.my

KP 9 / K4

Bilangan :

Tarikh : 3hb. Mac 2020

“BERJIMAT SAMBIL BERKHIDMAT”

Pengerusi / Setiausaha / Ahli Jawatankuasa

Ahli Jawatankuasa Kecil Daerah

KOPERASI POLIS DIRAJA MALAYSIA BERHAD

Tuan / Puan,

**SKIM TAKAFUL KOPERASI POLIS DIRAJA MALAYSIA BERHAD
BAGI TEMPOH 1/3/2020 – 28/2/2022**

- 1. PELANTIKAN ETIQA FAMILY TAKAFUL BERHAD SEBAGAI PENGENDALI TAKAFUL UNTUK SKIM-SKIM TAKAFUL KOPERASI POLIS DIRAJA MALAYSIA BERHAD**
- 2. NOTIS KADAR PREMIUM DAN PENAMBAHBAIKAN SKIM TAKAFUL KELOMPOK KEMATIAN & KEMALANGAN (GTL) DAN TAKAFUL KELOMPOK PENGHOSPITALAN DAN PEMBEDAHAN (GHS)**

1. TUJUAN

1.1 Pekeliling ini bertujuan untuk memaklumkan kepada semua anggota Koperasi Polis Diraja Malaysia Berhad (“**KPDRM**”) berhubung perlantikan Etiqa Family Takaful Berhad (“**EFTB**”) sebagai pengendali / penaja jamin skim-skim takaful KPDRM bagi tempoh 1/3/2020 – 22/2/2022.

1.2 Pekeliling ini juga bertujuan untuk memaklumkan kadar premium Skim Takaful Kelompok Kematian & Kemalangan (“**GTL**”) dan Takaful Kelompok Penghospitalan dan Pembedahan (“**GHS**”) bagi tempoh tersebut serta penambahbaikan manfaat bagi skim berkenaan.

2. LATARBELAKANG

2.1 Pada bulan September 2019, KPDRM telah memulakan satu proses tender untuk pembaharuan Skim Takaful Berkelompok Manfaat Kemalangan dan Kematian ("**GTL**") dan Skim Takaful Berkelompok Manfaat Penghospitalan dan Pembedahan ("**GHS**") bagi tempoh 1/3/2020 – 28/2/2022.

2.2 Pada 17 Disember 2020, Mesyuarat Anggota Lembaga KPDRM yang bersidang telah memutuskan untuk melantik EFTB sebagai pengendali takaful / penaja jamin untuk Skim GTL dan GHS KPDRM bagi tempoh di atas.

2.3 Untuk Skim GTL dan GHS, tiada perubahan pada kadar premium dan terdapat beberapa penambaan manfaat kepada anggota. Pekeliling ini diedarkan bertujuan memberi maklumat terkini kepada Ahli Jawatankuasa Kecil Daerah dan anggota-anggota berhubung Skim GTL dan GHS KPDRM.

3. PELANTIKAN ETIQA FAMILY TAKAFUL BERHAD SEBAGAI PENAJA JAMIN SKIM GTL DAN GHS KPDRM

3.1 Bagi tempoh 1/3/2020 – 28/2/2022, Skim GTL dan GHS akan ditaja jamin oleh EFTB yang merupakan syarikat dalam kumpulan Maybank Berhad.

3.2 Untuk Skim GHS, KPDRM telah melantik PM Care sebagai pentadbir pihak ketiga yang akan menguruskan pengeluaran surat jaminan dan kemasukkan ke hospital bagi peserta-peserta skim.

3.3 KPDRM akan bertindak sebagai wakil korporat (ejen) kepada EFTB untuk mentadbir skim.

4. KADAR PREMIUM

4.1 Bagi Skim GTL, kadar premium kekal RM11.00 seunit.

4.2 Bagi Skim GHS, kadar premium kekal sebagaimana Jadual 1 berikut :-

Jadual 1 : Kadar Premium Skim GHS (Pelan Perak)

Julat Umur*	Anggota (RM)	Pasangan (RM)	Anak (RM)
25 tahun dan kurang	45.00	54.00	35.00
26 - 30 tahun	50.00	59.00	
31 - 35 tahun	55.00	66.00	
36 - 40 tahun	74.00	89.00	
41 - 45 tahun	93.00	112.00	
46 - 50 tahun	110.00	132.00	
51 - 55 tahun	147.00	177.00	
56 - 60 tahun	180.00	216.00	
61 - 65 tahun (pembaharuan shj)	252.00	303.00	
66 - 70 tahun (pembaharuan shj)	307.00	368.00	

* Umur pada tarikh lahir akan datang

5. PINDAAN DAN PENAMBAHBAIKAN MANFAAT SKIM GTL

5.1 Berikut ialah penambahbaikan manfaat serta pindaan untuk Skim GTL. Sila rujuk Lampiran 1 untuk jadual penuh manfaat. :-

5.1.1 Manfaat Cuti Sakit

Di dalam polisi terdahulu, manfaat cuti adalah minima 7 hari jika ingin membuat tuntutan. Bermula 1 Mac 2020, manfaat cuti sakit ialah minima 5 hari dan maksima cuti sakit ialah sama iaitu 150 hari.

5.1.2 Manfaat Penyakit Terminal

Di dalam polisi terdahulu, tiada manfaat penyakit terminal diberikan. Penambahbaikan pada polisi bermula 1 Mac 2020, diberi manfaat penyakit terminal untuk anggota-anggota.

Penyakit terminal ialah diagnosis muktamad sesuatu keadaan yang dijangka mengakibatkan kematian orang yang dilindungi dalam tempoh 12 bulan. Anggota yang dilindungi mestilah tidak lagi menerima rawatan aktif selain daripada untuk mengurangkan kesakitan.

6. PINDAAN DAN PENAMBAHBAIKAN MANFAAT SKIM GHS

6.1 Berikut ialah penambahbaikan manfaat serta pindaan untuk Skim GHS. Sila rujuk Lampiran 2 untuk jadual penuh manfaat. :-

6.1.1 Manfaat Bilik Penginapan

Manfaat bilik penginapan ditambah daripada maksima 150 hari kepada 180 hari untuk setahun.

6.1.2 Lawatan Pakar Perubatan

Di dalam polisi terdahulu, anggota yang dimasukkan ke hospital akan diberi manfaat lawatan pakar perubatan ialah maksima 150 hari, tetapi untuk polisi bermula 1 Mac 2020, lawatan pakar perubatan dinaikkan sehingga maksima 180 hari.

6.1.3 Rawatan Pesakit Luar untuk semua penyakit

Rawatan pesakit luar untuk semua penyakit ialah dari pukul 10 malam sehingga 8 pagi. Bagi polisi sebelum ini, rawatan pesakit luar hanya dari pukul 12 tengah malam sehingga 8 pagi.

7. TARIKH KUATKUASA

7.1 Struktur perubahan harga premium dan manfaat skim berkuatkuasa mulai **1hb. Mac 2020**.

8. RUMUSAN

7.1 Pemilihan EFTB sebagai penaja jamin skim oleh Mesyuarat Anggota Lembaga KPDRM adalah berdasarkan tawaran harga dan manfaat terbaik yang dibuat melalui proses tender. KPDRM sentiasa berusaha untuk mendapatkan harga yang terbaik bagi anggota, namun faktor tren industri seperti peningkatan kos rawatan serta rekod tuntutan lampau yang tinggi tetap menjadi faktor penentu harga premium yang ditawarkan.

7.2 Penambahbaikan serta beberapa pindaan terma dan kaedah diharap dapat memberi lebih manfaat kepada peserta skim takaful KPDRM. Sehubungan dengan itu, kami mohon kerjasama tuan/puan untuk menghebahkan perkara ini kepada anggota di daerah masing-masing.

Sekian, terima kasih.

“SEJAHTERA BERSAMA KOPERASI PDRM”

Yang Benar



DATO' HAJI ROSLI BIN DIN
Setiausaha

- s.k
1. Pengerusi
 2. Anggota Lembaga Koperasi

